

# The Twa Corbies

## Asonance

1. As I was walking all alane  
I heard twa corbies makin' a mane  
the tane intae the tither say oh  
"Whaur sall we gang and dine the day oh  
whaur sall we gang and dine the day?"
2. "It's in ahint yon auld fail dyke  
I wot there lies a new slain knight  
naebody kens that he lies there oh  
but his hawk and his hound and his lady fair oh  
his hawk and his hound and his lady fair."
3. "His hound is to the hunting gane  
his hawk to fetch the wild-fowl hame  
his lady's ta'en anither mate oh  
so we may mak our dinner swate oh  
so we may mak our dinner swate."
4. "It's ye'll sit on his white hause-bane  
and I'll pike oot his bonny blue e'en  
wi' ae lock o' his gouden hair oh  
we'll theek oor nest when it grows bare oh  
we'll theek oor nest when it grows bare."
5. "There's mony a ane for him maks mane  
but nane sall ken whaur he is gane  
and o'er his banes when they lie bare oh  
the wind sall blaw for evermair oh  
the wind sall blaw for evermair."